

# 1 TESALONAYKA

## Pol Mij Ned Ak Tesalonayka Binib Kilop Tikak

<sup>1</sup> Chín Pol ayíp, Saylas ayíp, Timoti ayíp, chín mij aníb ak ñu kíl tikobun. Tikíl, níba Klays biníb ne man awl Tesalonayka pelpel apnan gípim ak núbop ñobun. Nibi Bapi God ayíp Biawl Jisas Klays ayíp mídebim. Apilmíñal ak núbop yimug níñid gitep gel mídtep gínimib.

*Tesalonayka biníb kili Klays nop gos linigel, Pol miñmiñ gup*

<sup>2</sup> Chín pel God nop agilig mídobun, núbop sawl ma gípun. Núbop mídupsek gos níg mídílig, God nop tep apun.

<sup>3</sup> Pen níba Klays nop gos liníñid wog ne kiles gilig, biníb okok kilop mapen líl dítep gilig, Biawl chín Jisas Klays adíkíd ownígab agíl kiles ak díl mídtep gebim ak, aníb okok chín pel nopun. Pel níñid, Bapi God nop agilig gitep gípál apun.

<sup>4-5</sup> Mam síkop, takaw telep dad abun ak, takaw yokíp mel, God kiles ne ayíp dad abun. Amon, God Kawnan ne ak chínop gos ñek, chín Klays nop gos kiles gíl nopun ak níba nígtep gípim. Aníb ak chín nopun, God ne ke núbop mapen líl aglak okok mídebim. Pen chín nab níba ayíp mídí, tap chín gípun ak, núbop gitep gí yobun ak, núb nepim.

---

**1:1** Apo 17.1-13, 2 Te 1.1      **1:2** Epe 1.16, Plp 1.3-4, Kol 1.3, 2 Te 1.11  
**1:3** 1 Ko 13.13, Gal 5.6, Kol 1.4-6, Hib 6.10      **1:4-5** 1 Ko 2.4-5, 4.20,  
Kol 2.2, 3.12, 2 Te 2.13, Hib 2.3

<sup>6</sup> Niñid, Biawl chin gup adek ak sek, chin ke gipun adek ak sek kidek gipim. Anigil, God takaw ak dipek niñid, bi oginap nibop gi timel gipal. Gi timel gipal ak pen, God Kawnan ne ak nibop gos ñek miñmiñ gilig, chin gipun tek ak kidek gipim.

<sup>7</sup> Gipim anib ak, binib Klays nop gos linepal Masedoniya plopens ak sek plopens Akaya ak sek, kili niñid abe gipal.

<sup>8</sup> Pen nibi Biawl takaw ne ak agem, takaw anib ak Masedoniya plopens ak amil, Akaya plopens ak amil, man okok midupsek abe amil gup. Nibi God nop gos linigem, binib okok midupsek kili nepal anib ak, chin pen kilop tepayan agep tek ma mideb.

<sup>9</sup> Binib anib okok kili niñid anib apal, Pol bine okok ayip, kili Tesalonayka binib kilop takaw tep ak am agñilak apal. Anigil agñelak, kilop ditep gil, tap yepis agnigeligipal okok keligil, God nokom pel midep ak nop nokom agniñid kidek gipal apal.

<sup>10</sup> Ñine kumek God gek tikjakil, God man ne alan amnak ak adikid apeb agil kod midebal apal. Pen kidek God ne binib okok kilop timel niñid yul awl ñinigab ñin ak, Jisas chinop dil kod yenigab anib ak tek, God chinop ma ginigab.

## 2

### *Pol Tesalonayka midil wog gup*

---

**1:6** Apo 17.1-9, 1 Ko 4.16, 11.1, Plp 3.17, 2 Te 3.9    **1:7** 1 Pi 5.3    **1:8**  
 Lom 1.8    **1:9** Apo 14.15, 1 Ko 12.2, Gal 4.8, 1 Te 2.1    **1:10** Apo  
 17.31, 1 Te 4.16, 5.9, Tat 2.13, 2 Pi 3.12

<sup>1</sup> Mam sikop, nibi ke nepim, ned man nibi ak amil, nib ayip midil, wog nibop giñinok ak, ma kul gup.

<sup>2</sup> Ñin anib ak taun Pilipay ned amonok, binib oginap chinop takaw timel agil gi timel gilak ak pen, nib nepim, taun nibi Tesalonayka am God takaw teplep ne ak agñinok. Agñonok chinop gi timel yibil gilak ak pen, God chin ak, ne chinop kod yek, gos anib ak ma niñid, monmon agñinok.

<sup>3</sup> Anib ak nigim. Takaw nibop apun ak yepis agil, tap nibop okok dinig akan, timel ginig ma agñinok. Takaw teplep ak nigilan agil agñinok.

<sup>4</sup> Takaw chin ke ak agon binib okok kilop tep gan agil ma agñibun. God ne ke chinop yigilil nigup, wog chinop nigeke nop tep ginimun. God titay dil midobun ak ke nigup tek, chinop wog aglek takaw teplep ak agñibun.

<sup>5-6</sup> Nibi ke anib okok midupsek nepim. Takaw ñig lil agon chinop nigem tep ginimun agil nibop ma agñinok. Pen tap chin ke kunay yibil dun agil akan, yib awl dun agil nibop ma agñinok, binib okok kilop ma agñinok ak, God ne abe niñid, chin anigipun ak misen agñub.

<sup>7</sup> Pen chin bi Jisas takaw nop dad ameb okok midobun ak, nibop takaw kiles gil aginig apinop ak pen, anib ma ginok. Bin okok ñapay kili ke tikil, dad aj tep gipal tek ak ginok.

<sup>8</sup> Nibop mapen yibil linok ak nim, God takaw teplep ak nibop agñinok. Chin pen takaw teplep ak

---

**2:1** 1 Te 1.5, 1.9    **2:2** Apo 16.19-24, 17.1-9, Plp 1.30, Kol 2.1    **2:4** Jer 11.20, Gal 1.10, 1 Ti 1.11    **2:5-6** Jon 5.41, 5.44, Apo 20.33, Lom 1.9, 1 Ko 9.1-6, 2 Ko 11.9, 1 Te 2.10, 2 Te 3.8-9, 2 Pi 2.3    **2:7** 1 Ko 2.3, 2 Ko 13.4, 2 Ti 2.24

nep nibop ma agñinok. Mel. Nibi chin ayip jimñil midem, chin ke nibop giñinogun agil wog keke anib okok kiles gil goligipun.

<sup>9</sup> Mam sikop, nibi nepim, chin nib ayip midil, koslam yibil goligipun. Nibop anib aginok, Chin miñel nibop ma ñinigabun, tap titay okok chinop ma ñinimib aginok. Anib ak pen chin wog kiles timel gil, subnab abe maynab abe goligipun ak pen, God takaw teplep ak abe agñoligipun.

<sup>10</sup> Chin ayip nib binib Jisas nop gos linepim okok ayip midilig, binib teplep yibil yoligipun. God takaw midupsek kidek gil, tap timel olap ma goligipun. Nibi abe nig yeligipim, God abe nig yoligup.

<sup>11</sup> Pen nib nepim, nap sikop ñapay kili ke gitep gipal tek nibop ginok.

<sup>12</sup> God binib ne pel midtep gipal tek kidek ginimib agil, nibop agñi tep gilig, gos timud teplep ñilig, kiles ñilig goligipun. God ne nokom nibop suk agek, binib ne dil kod yenigab migan ayan amil, midtep gep ne ak pel yenimib.

*Binib God yil midebal okok, kili Klays nop gos kiles gil niñid chichik dipal*

<sup>13</sup> Pen nibop God takaw teplep agñonok, takaw kili ke ma agebal, God takaw ne ke ak niñid agebal agil dipok. Ak nim nibi Klays nop gos linepim ak, takaw anib ak nibop nab ayan kod midakniñ agup tek gipim. Anib ak God nop tep agilig midobun.

---

**2:9** Apo 20.34, 1 Ko 4.12, 2 Ko 11.9, 12.15    **2:11** Apo 20.31    **2:12**  
Plp 1.27, Kol 1.10, 2 Ti 1.9, 1 Pi 5.10    **2:13** Gal 1.11-12, 4.14, 1 Te  
1.2-3, 2 Te 2.13, 2 Pi 3.2

14 Pen mam sikop, bi nibi okok nibop ke gi timel gipal. Anib ak tek, nibi God Judiya binib ne pelpel apnan gipal tek midebim. Binib anib okok, kili Jisas Klays ayip jimnil midebal. Taynen agil, Juda bi oginap, binib kili ke oginap Klays nop gos linepal okok kilop, gi timel gipal.

15 Pen Juda bi anib okok, kili Biawl chin Jisas nop ñagil, bi God gos ñek agñeb okok kilop ñagil, chinop yuk yokilak. God kilop nigeke nop tep ma gup, kili ke binib okok midupsek kilop milik nepal.

16 Pen binib Juda mel okok, kili God nop gos niginigel agil kilop agñun agon, Juda bi anib okok chinop Mel agilak. Taynen? Kili binib Juda mel okok God kilop ma adikid dinimun agil nigilak. Tap timel anib okok pelpel jimnil anigipal ak God ne ninid, kilop gos timel ninid yul awl ñek minel awl yibil ak kilop dup.

*Pol kilop tepayan am nigin agil nigup*

17 Mam sikop, nibi ayip midon, Juda bi kili chinop yuk keke yokilak ak, chib gakinin yoligipun. Jomulik nibop ma nopun ak pen, minek minek nibop gos nopun. Nibop am ninid owun agil gos ak pelpel nig yonok.

18 Chin nibop amnun agil gos anib ak nopun. Pen yad Pol, ñin kunay yibil amnin apin ak pen, Satan kanib tibilikup.

19 Biawl chin Jisas ownigab ñin ak, tap tay chinop gek widin midup adek ne ak jak

---

**2:14** Apo 17.5, Hib 10.33-34    **2:15** Apo 2.23, 3.15, 7.52, 9.23, 9.29, 13.45, 13.50, 14.2, 14.5, 14.19, 17.5, 17.13, 18.12    **2:16** Mat 23.32-33, 24.6, Luk 11.52, Apo 13.50    **2:17** 1 Te 3.10    **2:19** Plp 2.15-16, 4.1, 2 Te 1.4

midilig miñmiñ ginigabun? Tap taydil nop yomil aginigabun, Chin wog gitep gipun aginigabun? Nibop nep nop yomnigabun. Wog chin gitep gon nibi binib ne yenigabim anib ak, nop yomil miñmiñ ginigabun.

<sup>20</sup> Yaw, nibi chinop gem, nibop gos nigilig miñmiñ gon chinop tep gup. Pen kidek Biawl ne nibop nigeek, chin yib awl dinigabun.

### 3

*Pol ne Timoti nop agyokek, am Tesalonayka binib kilop takaw agñi tep gup*

<sup>1</sup> Pen nibop am nigon agil, kasek ameb tek ma lek, nibop chib niginok. Niñid, yad ayip Saylas ayip chilmiñal taun Atens midil,

<sup>2-3</sup> mam chin Timoti bi God wog gil, Klays takaw teplep agñi tep gup anop agyokol amnak. Pen ned nop agilok, Binib Klays nop gos linepal anib okok, kili yokip midil, gos pal lil God nop keliginigabal tek lup agilok. Anib ak nad am kili ayip midil, kilop kiles ñil agñi tep ge midtep ginigel agilok. Pen nib nepim, binib Klays takaw ma dipal okok chinop gi timel gipal anib ak, nibop ginigabal agak tek gipal.

<sup>4</sup> Pen ned nibi ayip midil aginok, Kidek chinop midupsek gi timel ginigabal aginok ak, nibi ke nepim, tap timel ginigab agil aginok anib ak miñil apjakup.

<sup>5</sup> Anigipal anib ak niñid, yokip kod yenim tek ma lup. Bi kicheki ne nibop takaw yepis agek, takaw

koslam agñon nepek ak keliginiñib tek lek niñid, Timoti nop agen am niñop agñi tep gil owak.

*Timoti adikiid apil agup, Tesalonayka binib kili midtep gipal agup*

<sup>6</sup> Pen Timoti niñop am niñid adikiid apil takaw tep agil agup, Kili Klays nop gos liniñid ma keligil, binib okok kilop mapen lil, pelpel ñilopmiñal gos nigilig miñmiñ yibil gipal agup. Ñili omiñal pal okol midil kilop yimug nepil tek, kili pen man kili okok midil ñilopmiñal yimug nepal agup.

<sup>7</sup> Pen mam sikop, bi Klays nop gos ma linepal okok, chinop gi timel ginig gel midtep ma ginok ñin ak, Timoti apil, nibi God ayip jimñil midebim takaw ak agek, chinop tep gup.

<sup>8</sup> Biawl nop pel anib ak tek chigil yenigabim tek, tep yibil gakniñ nep yonigabun.

<sup>9</sup> Midtep gipim anib ak niñid, God nop tep agilig miñmiñ yibil gipun. Miñmiñ awl yibil gup, titay dil tepayan God nop tep aginipun.

<sup>10</sup> Chin God nop subnab abe maynab abe kiles gil agnigilig apun, Tepayan am kilop niñid agtep gon, Klays nop gos kiles gil liniñigel apun.

*Pol God nop agup, Tesalonayka binib kilop ditep ginimin agup*

<sup>11</sup> Anib ak Bapi God chin ayip Biawl chin Jisas ayip apilmiñal chinop kanib yomel, niñop ap niginipun.

<sup>12</sup> Biawl chin ak niñop gos tep yibil ñek, niñop mapen awl yibil lipun tek, nibi ke minek minek

penpen mapen awl yibil lil, binib okok kilop mapen awl yibil lil ginimib.

<sup>13</sup> Anigenimib, God kiles ne ñek, nibi midtep ginigabim. Anigem mid dad amil, Biawl chin Jisas binib suntep ne okok midupsek dil adikid ownigab ñin ak, Bapi God ne nigeek, binib suntep takaw ma mideb okok yenimib.

## 4

### *God binib suntep ne yenimib*

<sup>1</sup> Mam sikop, nibi ayip yonok ñin ak, Biawl Jisas chinop agek, God ayip titay dil midtep gem nop tep gup takaw ak, nibop agñon nepek. Anib ak tek ak nibop kiles gil agon, ne ayip midtep geligipim tek, miñil gem tap awl yibil amnimuñ.

<sup>2</sup> Pen nib nepim, takaw anib ak Biawl Jisas ne chinop aglak tek agñon, nibi kidek ginimib.

<sup>3</sup> God binib ne midebim ak, agup tek suntep yonigun agil, bin si bi si ma ginimib.

<sup>4</sup> Anib ak suntep midilig, nibi nokom nokom gos kod midtep ginimib. Gitep gep ak sek, God gos ne nigeek ak sek dil, kidek ginimib.

<sup>5</sup> Binib God nop gos ma nepal okok, bin si bi si dinigun agil gi ajipal tek ma ginimib.

<sup>6</sup> Bi bin sek okok, bin kili akan, bin bi sek okok, bi kili ak si ma dinimib. Binib oginap mam ay

---

**3:13** Sek 14.5, 1 Ko 1.8, Plp 1.10, 2 Te 1.7, 1.10, 2.17    **4:1** Plp 1.27, Kol 1.10, 2.6, 1 Te 2.12, 2 Te 3.6    **4:3** 1 Ko 6.15, 6.18, Epe 5.3, 5.17, 5.27, Kol 3.5, 1 Te 5.23, Hib 10.10, 1 Pi 1.16    **4:4** Lom 6.19, 1 Ko 6.13-15, 6.18    **4:5** Sng 79.6, Gal 4.8, Epe 2.12, 4.17-18, 2 Te 1.8    **4:6** Wkp 19.11-13, Sng 94.1, 1 Ko 6.8, 2 Te 1.8

kilop anib ak tek genigabal, Biawl ne kilop pen yul ñinigab ak, nibop ned agtep ginok.

<sup>7</sup> God chinop bi gach sek anib okok yelan agil ma aglak. Binib suntep yelan agil aglak.

<sup>8</sup> Anib ak tek, binib takaw agobun anib awl keliginigabal okok, takaw chinop ak ma keliginigabal. God takaw nop ak keliginigabal. God ne Kawnan ne ak nibop ñub ak, takaw ne ak keliginigabal.

*Nibi gos teplep niñid gem, tap awl yibil amnimun*

<sup>9</sup> God binib ne okok kilop mapen lil dinimib agil mij tiginigun ak pen, God nibop gos tep ñek, ke niñid penpen mapen lipim. Anigil mapen lipim anib ak, nibop mij anib ak ma kil tikipun.

<sup>10</sup> Niñid apun, God binib ne Masedoniya plopens midebal okok midupsek mapen lil dipim. Pen mam sikop, nibop kiles gil agtep gobun, gem tap awl yibil amnimun

<sup>11</sup> Pen nibop aginok tek, binib okok ayip kimigel midtep ginigun agil yenimib. Wog nibi okok ke kod midtep gil, gitep gil tap ñinimib.

<sup>12</sup> Anigenimib ak, tap midup, mani nibi okok ke midakniñ, tap nen asib ma ag ajinigabim. Pen binib Klays nop ma nepal okok nibop nigel tep ginigab.

*Biawl adikid ownigab*

---

**4:7** 1 Ko 1.2, 2 Te 2.13-14, Hib 12.14, 1 Pi 1.14-16    **4:8** Ese 36.27, 37.14, Luk 10.16, 1 Ko 2.10, 2 Ko 1.22, 1 Jo 3.24    **4:9** Jon 13.34, 15.12, Hib 8.11, 1 Jo 2.20, 2.27, 3.11-13    **4:10** 2 Te 3.4    **4:11** Epe 4.28, 2 Te 3.8, 3.12, 1 Pi 4.15    **4:12** Lom 13.13, 2 Ko 8.21, Kol 4.5

13 Pen mam sikop, binib kubal anib ak pen titay dinigabal ak, takaw jij won anib ak nibop agñitep ginigabun. Binib oginap God nop ma niñid, tikjakinigabun agil ma nepal ak, kili yimug awl niñid chan lipal tek ma ginimib.

14 Jisas kumil tepayan tikjakak agil gos nopun. Anib ak binib nop gos liniñid kubal okok, God gek kili tepayan tikjakil Jisas ayip ownigabal.

15 Pen Biawl ne takaw agak tek niñid nibop agobun. Jisas adikid ownigab ñin ak, chin binib konim yonigabun okok, binib ned kumilak okok kilop ma kelig amnigabun, jimñil aplan amnigabun.

16 Biawl ne takaw kiles timel agek, ensel kiles timel olap ne suk agakniñ, olap God akil ne ak puginigab. Anib ak pen Biawl ne God man ne alan keligil ownigab. Binib Klays nop gos liniñid, bilel kubal okok, kili ned tikjakinigabal.

17 Won anib ak chin binib lum awl yonigabun okok, chinop abe wisip nab oklan dad amnigab. Biawl nop niñid, ne ayip pelpel yonigabun.

18 Anib ak tek takaw agobun anib ak midupsek okok penpen agñil midtep ginimib.

## 5

*Biawl chin adikid ownigab agil, midtep gil kod yonigun*

1 Pen mam sikop, tap anib ak ñin akal ownigab ak, nibop mij kil tikil ma agñinigabun.

**4:13** Epe 2.12

**4:14** Lom 14.9, 1 Ko 15.3-4, 15.12-13, 15.18, 15.23

**4:15** 1 Ko 15.51-52

**4:16** Mat 24.30-31, Apo 1.11, 1 Ko 15.23, 15.52,

1 Te 1.10, 2 Te 1.7

**4:17** Jon 12.26, Apo 1.9, Lep 11.12

**5:1** Mat

24.36

<sup>2</sup> Nib ke nigtep gil nepim, Biawl ne ownigab ñin anib ak, nop kod yenigabal ñin ak ma ownigab. Bi tap si dep okok, binib wisin kin abal won ak opal tek ak ownigab.

<sup>3</sup> Binib kili anib aginigabal, Miñil ñin teplep yibil, tap olap ma ginigab agil gos niginigabal. Agil gos niginigabal won anib ak, kilop gi timel gep tap ak ownigab. Bin ñapay tiking gel won anib ak yul gup tek ak ginigab, pilik amnigel tek ma linigab.

<sup>4</sup> Pen mam sikop, nibi kisilim nab okok ma midebim. Ñin anib ak ownigab ak, nibi bi sawl olap tek midil, bi tap si dep tek apel judipal tek ak ma ginimib.

<sup>5</sup> Nibi midupsek milek adek sijak sek subnab sijak sek midebim. Kisilim nab okok ma midobun.

<sup>6</sup> Anib ak pen, binib oginap wisin kin amil midebal tek ma yonigun. Nigtep gil gos nigilig yonigun.

<sup>7</sup> Binib wisin kinibal okok, maynab ayan kinibal. Binib ñig kiles ñibil sawl lipal okok, maynab ayan ñibal.

<sup>8</sup> Pen chin binib milek adek sijak sek subnab sijak sek midobun okok, gos nigilig yonigun. Klays nop gos lininid, binib okok kilop mapen lil gipun ak nim, chech kiles timel sek kadin ak tek linigun. Klays adikid apil chinop tig asik dinigab ak pelpel kod midobun ak nim, poj kiles timel sek kadin ak tek linigun.

---

**5:2** Mat 24.42-44, Luk 12.39, 2 Pi 3.10, Lep 3.3    **5:3** Ese 13.10, Hos 13.13, Mat 24.39, Luk 21.34-35, Jon 16.21-22    **5:4** Lom 13.12-13, 1 Jo 2.8    **5:5** Lom 13.12, Epe 5.8-9    **5:6** Mat 24.42, 25.5, 25.13, 1 Pi 5.8    **5:7** Luk 21.34-36, Lom 13.13, Epe 5.14    **5:8** Ais 59.17, Epe 6.13-17

<sup>9</sup> God ne chinop timel niñid yul awl dilan agil ma aglak. Biawl kili Jisas Klays kilop tig asik dinimun agil aglak.

<sup>10</sup> Pen chinop agil kumak ak, konjim midon ownigab akan, kumon ownigab ak takaw ma mideb. Ne ayip midil midtep ginigabun.

<sup>11</sup> Ak tek ak, takaw tikebin awl pel gipim tek penpen agñitep gil, kiles gil jak tep gil midil, gos sek yenimib.

*Nibi binib Klays yil midebim okok, penpen gitep ginimib*

<sup>12</sup> Mam sikop, Biawl Jisas ne ke biawl nibi okok kilop aglek, kili nibop koslam takaw tig asikilig, nibop kod midilig, tap titay dil ginimib takaw ak kiles gil agñilig midebal. Anigil agñel, kilop gitep gil gos teplep niginimib.

<sup>13</sup> Wog anib gipal ak niñid nim, kilop mapen lil ditep yibil ginimib. Pen nibi midupsek kimigel jimñil yenimib.

<sup>14</sup> Binib wog ma gipal okok, kilop takaw kiles timel agem, kili gitep gil yipid gil yenigel. Binib yimgeptek gos pal lil midebal okok, kilop agñitep ginimib. Binib kiles ma midebal okok kilop ginimib. Minek minek binib okok midupsek kilop kimigel agñilig yilik ma niginimib.

<sup>15</sup> Binib oginap nibop gi timel genigel, nibi pen kilop gi timel ma ginimib. Binib nibi ke okok kilop

---

**5:9** Lom 9.22, 1 Te 1.10, 2 Te 2.13-14, 1 Pi 2.8    **5:10** Lom 14.8-9, 2 Ko 5.15, 1 Te 4.14    **5:11** Jud 20    **5:12** 1 Ko 16.18, Plp 2.29, 1 Ti 5.17, Hib 13.7, 13.17    **5:14** Gal 5.22, 6.1-2, Kol 3.12, 2 Te 3.6, 3.11, 3.15, Hib 12.12    **5:15** Snd 20.22, Mat 5.39, Lom 12.17, 1 Ko 6.7, 1 Pi 3.9

kiles gil gitep ginimib, binib okok midupsek abe kilop kiles gil gitep ginimib.

16 Nibi minek minek miñmiñ ginimib.

17 God nop agilig yenimib.

18 Nibop tap titay dinimuñ, God nop tep aginimib. Klays Jisas ne ayip jimñil midebim ak tap anib okok anigem, God nop tep ginigab.

19 God Kawnan ne ak nibop ginimib agonimuñ, nibi nop Mel ma aginimib.

20 Binib God gos ñek agñeb okok takaw agenigel ma keliginimib.

21 Pen binib oginap yepis agenigel tek lup ak, nigtep yibil ginimib. God takaw yipid gil ak agenigel niñid dinimib. Yepis agenigel ma dinimib.

22 Tap timel adek midupsek ma yibil ginimib.

23 God ne chinop gek midtep gipun. Ne ke gek, binib suntep ne ak yenimib. Mubwak nibi ak midupsek ne kod yonimuñ. Anigek binib telep ne ak midupsek yenimib. Anib okok gek, Biawl chin Jisas Klays adikid ownigab ñin ak, takaw olap nibop ma yenigab.

24 Chin nopun, God gos ne ke niñid nibop aglil dak ak, agup agup tek nibop ginigab.

25 Mam sikop, yad ayip biyad ayip midobun awl, chinop gos niñid God nop agniginimib.

26 Mam ay okok kilop miñmiñ gilig ñin pak sakinimib.

---

5:16 2 Ko 6.10, Plp 4.4      5:17 Luk 18.1, Epe 6.18, Kol 4.2, 1 Pi 4.7

5:18 Epe 5.20, Kol 3.17      5:19 Epe 4.30, 1 Ti 4.14, 2 Ti 1.6      5:20

1 Ko 14.1, 14.39      5:21 1 Ko 2.11, 2.15, Plp 4.8, 1 Jo 4.1      5:22 Jop

1.1, 1.8, 2.3      5:23 Lom 15.33, 1 Ko 1.8, Plp 4.9, 1 Te 3.13, 2 Te 3.16

5:24 1 Ko 1.9, 10.13, 2 Te 3.3      5:25 Kol 4.3, 2 Te 3.1      5:26 Lom

16.16

<sup>27</sup> Biawl chin ak nig midakniŋ nibop agebin, mij tikebin anib awl, mam ay okok kilop midupsek mij pi ak nigilig agñem niginigel.

<sup>28</sup> Biawl chin Jisas Klays ne nibop yimug niŋid gitep ginimuŋ.

## **Jisas Klays Takaw Teplep Ne Tay New Testament**

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 18 Apr 2025 from source files dated 29 Jan 2022

24d09cce-9a93-523a-afa5-7b091c264cee